



Aktiviranje eksplozivne naprave i upotreba vatrenog oružja

Dana 28.02.2021.godine u 01.45 sati policijski službenici Druge PU su, zbog postojanja osnova sumnje da je počinio krivična djela iz člana 323. KZ F BiH (izazivanje opće opasnosti), člana 293. KZ F BiH (oštećenje tuđe stvari), člana 359. KZ F BiH (napad na službenu osobu u vršenju poslova sigurnosti) i člana 371. KZ F BiH (nedozvoljeno držanje oružja ili eksplozivnih materija), lišili slobode lice S.T. rođen 1962.godine iz Sarajeva. Naime, S.T. je dana 27.02.2021.godine oko 19.00 sati, nakon razgovora sa policijskim službenicima Druge PU, koji su došli na intervenciju po pozivu njegove supruge zbog navodnih problema sa komšijama, sa balkona porodične kuće locirane u ul. 105. Brigade područje općine Centar Sarajevo, aktivirao i u dvorište kuće bacio ručnu bombu u blizini lokacije gdje su se nalazili policijski službenici. Usljed navedene eksplozije nije bilo povrijeđenih lica, niti je pričinjena materijalna šteta. Nakon toga lice S.T. se udaljio u pravcu naselja Grdonj, područje općine Centar Sarajevo. Isto dana, nakon organizirane potrage s ciljem pronalaska navedenog lica, policijska patrola je istog dana u 20.40 sati primijetila lice S.T. u ul. 105. Brigade koji je tom prilikom ispalio jedan hitac iz pištolja prema službenom vozilu u pokretu, da bi se zatim udaljio s lica mjesta. Dana 28.02.2021.godine u 01.25 sati policijski službenici Uprave policije su traženo lice locirali u mjestu Grdonj, da bi istog dana u 01.40 sati S.T. bio stavljen pod kontrolu i lišen slobode. Prilikom lišenja slobode kod S.T. je pronađena i oduzeta jedna ručna bomba, jedan ručno pravljeni pištolj i dva komada metaka za lovačko oružje. Također, prilikom stavljanja pod kontrolu S.T. na lokalitetu Grdonja došlo je do požara koji je najvjerovatnije izazvao S.T. Požar je ugašen od strane pripadnika PVB Kantona Sarajevo u 02.15 sati. O događaju je obaviješten tužilac Kantonalnog tužilaštva Kantona Sarajevo, a uviđaj na licu mjesta obavili policijski službenici Uprave policije MUP-a Kantona Sarajevo. Istovremeno, na osnovu usmene naredbe sudije za prethodni postupak Općinskog suda u Sarajevu, policijski službenici Druge PU su izvršili pretres kuće vlasništvo S.T. te je tom prilikom pronađena i oduzeta jedna improvizovana eksplozivna naprava i 10 komada metaka-patrona za lovačko oružje. Lice predato u prostorije Jedinice za osiguranje objekata i zadržavanje osoba lišenih slobode MUP-a Kantona Sarajevo, a policijski službenici nastavljaju rad na dokumentovanju navedenih krivičnih djela.

28.02.2021